



**Augusti Buchneri Orationes Panegyricæ**

**Buchner, August**

**Cliviæ, [1668]**

II. In Fun. D. Friderici Balduini, Ecclesiæ VVittenbergensis Antistitis,  
Superintendentis Generalis & Prof. P.

---

[urn:nbn:de:hbz:466:1-69483](#)

ORATIO SECUNDA,  
IN FUNERE

D. FRIDERICI BALDUINI,  
Ecclesiæ Wittenbergens. Antistitis ,  
Superintendentis Generalis &  
Prof. Publ.

Hoc nobis igitur post tot calamitatum publicarum  
nomina, post acerbissimum magni MEISNERI  
nostrī obitū sperandum erat, ut quum adhuc madere-  
mus lacrimis, qvum adhuc altâ cicatrice nostrum hiaret  
vulnus, novus nos mceror oppimeret, capitalis æquè  
feriret plaga, & alterum illud Ecclesiaz, alterum Academiz  
lumen, quod vel præcipue in posterum nostras  
spes, nubilas satis atque obscuras, illustrare posse vide-  
batur, extingueretur? Ergo hoc immutabile fati de-  
cretum est, hæc propriè nobis fixa necesitas, ut calamiti-  
tatem trudat calamitas, ruina ruinam involyat? O infeli-  
cissima ineuntis pariter & vertentis anni initia! ô Ka-  
lendæ Majæ, non jam amœnitate florum, nec lætitia se-  
getum, nec gemmis vitium, aut serenato post hibernum  
horrorem cœlo, lætæ ac commendabiles; sed luctu, sed  
lacrimis, sed sqvalore obductæ prorsus, imò damnataæ!  
Fuit, fuit illud tempus, qvum orbe annuo vos redeun-  
tes non absque solenni gratulationum ac gaudiorum  
festivitate exciperemus! Qvum salutarem huic nascen-  
di Academiæ ortum vestrum, non albâ, quod veteres  
solebant, lineâ; sed unionibus propè ac gemmis præsi-  
gnaremus! Nunc verò ( ô amarisimas vices!) postea-  
quam FRIDERICVM BALDVINVM (cujus no-  
men titulos omnes respuit, quia omnes transcendent)

T

non

non dico nobis, sed toti orbi Christiano, qui in eo, veluti tibicine aliquo ac fulcro; nitebatur, eripuitis, ecquid aliud restare possit, quam ut in posterum, sicut Atlantes populi renascentem solem diris devovent, ita nos vestrum detestemur ortum ac execremur: certè inter atros inauspicatosque dies vel primo vos loco numeremus? Amisimus & olim Antistites; sed tunc solata nos facilè est fœcunditas nostra, quæ suâ felicitate nec metuere quidem, quæ nunc sentimus, orbitatis finebat mala. Nunc quò prolapsæ sunt Academæ nostræ res? quò ceciderunt illæ tot linguis celebratæ divitiæ ac opes? Sumebamus quondam successores docentibus, nunc quærimus: quum & multum quæsivimus, vix invenimus: aut si invenimus, plerumque in iis aliquid ad antiquorum decus videtur deesse. Non sum tam iniqvus & stimator nostrorum temporum, ut premere velim viventium gloriam; quin potius ingenuâ confessione facio, esse adhuc per Dei gratiam, qui de Ecclesia indies præclarè prorsus mereantur: hoc tamen minimè vereor pronunciare, & paucos eos esse, & pauciores, qui BALDUINI nostri famam sustinere queant. Tot unus ille possedit virtutes, quod invenire in pluribus hodie singularis propè fuerit felicitas. Qvis ausit negare, ipsius eruditionem illustrissimam fuisse in Orthodoxâ Ecclesiâ? Nam & solers perquam ingenium, & judicium, si quis alius, limatissimum, ac propè divinum sortitus erat. Jam ad pietatem & vitæ sanctimoniam quod attinet, non modo plures aliot è re, sed ipsum sese propemodum superavit. Hoc enim laborabat unicè, ut doctrinæ suæ & vitæ ratio concineret, nec unquam præciperet aliis, quod non ipse prior exemplo suo sanciret atque firmaret. Ita enim reputabat, aut non

non docendum aut moribus docendum esse. Porro quanta maiestas ejus dictis inerat, quum de suggestu verba pro concione faceret, qvanta gratia & venustas eum ubique sequebatur? Putasse nectaris fontes & favos mellis ab ore ejus dimanare, quum promta spes veniebat ostendenda pœnitentibus, quum divinæ thesauri misericordiæ recludendi esset rursus, credidisse ipsum non tam verba quam fulmina ac hibernas grandines spargere, aut ad instar irati amnis per præcipitia montium decurrentis fervere, si quando virtus configenda hominum, si inculcandum mentibus, quanta indignatione in publica scelera DEUS ardeat. Quid nunc de summâ modestiâ animi, quid de singulari patientiâ dicam? quam adeò familiarem sibi virtutem habuit, ut pro Symbolo Scholasticorum albis plerumque inscriberet: FIDE ET PATIENTIA.

*Nam fides vidua est quam non patientia firmat.*  
 Quem quidem verbum ex quodam Prudentiano interpolarat. O virum non modò superiorem nostro seculo, sed & multis veterum præferendum! Cujus summas maximasque virtutes nec prædicabit satis ulla posteritas, nec dignum pretium ejus præclarissimis meritis rependet! Excitemus licet arduas cœloque tendentes moles; æraq[ue] certatim ac marmora in vultum ipsius atque imaginem emolliamus; is tamen honor magis nostro affectui satisfaciet, quam tanti viri memorie sufficiet. Cui nemo dignus perennius vè monumentū statuat, quam quod sibi ipse met in nostris mentibus dudum crexit. Inibi igitur non mox marcescentia ferta, & brevi perituros libabimus flores; sed mansurarū laudiū ipsi suspendemus coronas, ut, licet ereptus sit nostris oculis, & procul à nobis felix ævū agitet, ejus tamē

T 2

pic-

pietas, innocentia, fides atque industria nobiscum in terris semper commorentur. Quod superest, Rector Magnifice, Patresque Academicci, quoniam nunc finita omnis ceremoniarum funebrium solennitas est, nec quicquam restat, quod beatissimis defuncti reliquiis impendi debeat, id agite, ut cogitetis potius, quam ratione afflictis Ecclesiaz & Academiaz rebus consulatis, quam quò alatis dolorem vestrum ac luctum. Verissime enim antiquus Vates monuit:

*Resturbide consilium; non fletum expetunt.*

Post hæc eò contendite, ut juniores BALDVINI intelligent, hoc, quo impræfenti artm functi estis officio, & ultimum fuisse, quo Patrem optimum prosequeremini, & primum, quo sidem, industriam ac benevolentiam vestram filiis obligaretis. Quà de caussâ & singulares vobis agunt gratias, & orphanos annos ac deficitutam præsidio ætatem suam certâ siduciâ animi bonitati vestræ etiam atque etiam commendant. Ita enim augurantur de vobis, nunquam non promptè ad futuros liberorum saluti, qui tam sincerè parentis fato indoluiistis.

ORATIO TERTIA.  
IN FUNERE

D. WOLFGANGI FRANZIJ,  
Profes. Publ. & templi arcis Præ-  
positi.

**D**Vm mihi in istis exequiis, & hoc amplissimo funere verba facienda sunt, non possum non dolere Academiaz nostræ vicem, quam acerbissimi fati genus, non tâ ferire ac strigere, quam premere penitus, atq; in eam in-